

Mencari ilham dalam Kembara Puisi

4B 13/4/2011 B3
Oleh SITI AISYAH NARUDIN

aisyahub@gmail.com

MENGEMBARA
sambil mencari
ilham...

berinspirasi
pemandangan alam yang
indah, pasti menggamit
pelbagai ilham untuk
dihasilkan.

Berpandukan orientasi
yang sama, pelajar tahun
dua Program Penulisan
Kreatif Sekolah Pengajian
Seni (SPS), Universiti
Malaysia Sabah (UMS)
pada 10 April lepas
mengadakan program
Kembara Puisi di Simpang
Mengayau, Kudat.

Bertemakan keindahan
alam, para pelajar yang
menyertai program itu
perlu menghasilkan puisi
dan pantun melalui aktiviti
Santai-Santai Mencari
Ilham.

Program sehari yang
pertama kali dianjurkan
itu melibatkan seramai 50
pelajar termasuk seorang
pensyarah pengiring,



CARI ILHAM...Para pelajar Program Penulisan Kreatif SPS bergambar bersama berlatarbelakangkan pemandangan di Simpang Mengayau, Kudat.

Suhaimi Mohd Yasin.

Semua karya yang
dihasilkan oleh para pelajar
akan dibukukan dalam
Antologi Puisi dan Pantun
melalui penerbitan SPS.

Bagi Khaidil Hamzah
yang turut serta dalam
aktiviti itu, ia bukan sahaja
memberi pendedahan

kepada pelajar tentang cara
mendapatkan ilham, malah
membuka peluang untuk
menghayati keindahan
pemandangan di Simpang
Mengayau.

Menurutnya, dengan cara
itu juga para pelajar dapat
mencari ilham dari sudut
yang berlainan dan mampu

menghasilkan karya yang
lebih kreatif.

“Tidak semua pelajar
dapat menghasilkan
karya secara spontan
pada waktu itu, ada juga
yang memerlukan masa
untuk mencipta puisi atau
pantun,” katanya ketika
ditemui *Utusan Borneo*

kelmarin.

Khaidil berpendapat,
terpulang kepada diri
pelajar itu sendiri sama ada
mampu untuk mencipta
karya dalam tempoh masa
yang cepat atau perlahan.

Namun, jelasnya, mereka
hanya diberikan masa
selama seminggu untuk
menyiapkan kedua-dua
karya berkenaan.

Khaidil menjelaskan,
antara waktu yang sesuai
baginya untuk mencari
ilham ketika subuh yang
mana waktu itu pelbagai
ilham datang dengan
mudah.

“Ia bukan sahaja kerana
waktu itu yang agak sunyi
dan tenang, bunyi-bunyian
alam juga boleh menjadi
sumber inspirasi,” katanya.

Beliau turut berharap
agar program seumpama
itu akan dapat diperluaskan
lagi bukan sahaja kepada
pelajar yang mengambil
kursus penulisan kreatif,
malah kepada mereka yang
mempunyai minat dalam
bidang penulisan.